



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

36 Piratae, & latrunculi maritimi in Bulla Coenae Domini
excommunicantur.

urn:nbn:de:hbz:466:1-10316

bellis existit, & cum alijs seorsum gregem facit, schismaticus appellatur, Arehid. in c. Inter schisma, numer. 2. 24. quæst. 3. & difserunt, quia omnis hæreticus est schismaticus, sed non è contrà, ut per gloss. in eo. cap. inter hæresim, & Navar. eo. capit. 27. 37 numer. 57. Comprehenduntur sub eadem excommunicatione: Primo quidem scienter legentes, aut tenentes, vel imprimentes libros hæreticorum, seu eos defensantes, ne ad Inquisitorum manus deveniant. Secundo, si subtrahentes ab obedientia mandatorum Apostolicæ Sedis, licet schismati non sunt.

Secundò in eandem excommunicationis sententiam incident omnes ad universale futurum concilium appellantes: iisque, quorum auxilio, aut consilio fuerit appellatum; per eandem Bull. Cœn. Dom. Clem. Pap. VIII. n. 2.

Appellatio enim est provocatio à minori ad maiorem judicem, & non valeret conuictudo, quod à majori ad minorem appellaretur, gloss. in cap. non putamus, in ver. officiali, de consuetud. in c. & esset contra naturam appellationis, Felyn. in rubr. de appell. circ. princ. Ideò videmus, quod à sententia præferti prætorio non appellatur, l. i. ff. de off. præf. præt. Nec etiam à Principe, vel Senatu, ut l. i. ff. à qui appell non licet. & cùm Papa sit suprà concilium ex alibi deductis, ad inferiorem appellari non potest.

36 Tertiò fertur dicta excommunicatio contra omnes piratas, latrunculos maritimos, & illos præcipue, qui in mari à monte Argentario, usque ad Terracinam disurrentes, eos, qui in illo navigant, depredantur, mutilant, interficiunt, rebus vè, & bonis suis spoliant. Omnesque recepta-

tores eorundem, & eis auxilium scienter dantes, vel favorem, ut per Navar. dict. cap. 27. numer. 59. Sayr. in Thes. cas. conf. lib. 3. cap. 7. numer. 7. & dict. Bull. Cœn. Domini num. 3.

37 Navigantes tamen enim sunt quasi miserabiles personæ, Abb. in c. excommunicatio. numer. 3. de raptor. & propterea Ecclesia eos defendit, Graff. decis. aur. c. 18. num. 64 par. 1. lib. 4.

38 Quartò tamen contra rapientes bona Christianorum naufragantium, ut in eadem Bull. Cœn. Domini, num. 4. Cajet. in c. 23. in vers. excommunicatio, & Navar. in Manual. cap. 27. numer. 118. Etiam de jure communia rapientes bona naufragantium incident in sententiam excommunicationis ipso facto, dict. cap. excommunicatio, & ibi gloss. in vers. subjacere, de raptor. & etiam de jure civili bona naufragantium rapientes pœnam incurvant, ut in l. i. & 3. ff. de incendo ruin. & naufr.

39 Quintò tamen imponentes nova pedagia, & gabellas, vel eas augentes præterquam in casibus sibi à jure, seu ex speciali Sedis Apostolicæ licentia permisis, eandem sententiam excommunicationis incurvant, ut in eadem Bull. numer. 5. Navar. dict. cap. 27. num. 71.

Sextò fertur dicta excommunicatio contra falsificantes litteras Apostolicas etiam in forma Brevis, ac supplicationes gratiam, & justitiam concernentes, & falſo fabricantes litteras Apostolicas in eadem forma Brevis, falsaque signantes supplicationes sub nomine Romani Pontificis, seu Vicecancellarij, aut eorum vicegerentium, ut in eadem Bull. Cœn. Domini, num. 6. Navar. eodem. capit. 27. numer. 62. Tolet. ubi supra, c. 22. circ. princ. & Sayr. in R. rr. Thes.